

CLINICA - RACE TRACK - MISA - CHOLLER - PASPOORT

Pa añanan largo nos ta tende di hospital pa San Nicolas. Di cu lo drecha Clinica na San Nicolas y expande. Pero bay tira un bista na e clinica. No tin placa pa hospital, y e clinica cu mester expande y drecha ta caminda cu ningun hende malo lo kier drecha e dianan aki. Bo ta bay pa nan saca sanger y asina cu bo drecha bo ta hayabo cu un plafon riba bo cabez cu asina un buraco. Ora busca informacion bo ta tende: "Ay shon, no tin manera di haci, no tin moda pa drecha e dak". Bo ta wak tur e sushedad cu tin den plafon, hayabo den un situacion cu pa un clinica ta masha inhigienico. Ta esaki ta e "promocion pa trece mehoracion na San Nicolas."

RACE TRACK PA SAN NICOLAS

Ya cu ta riba San Nicolas, ban papia riba e race track. Awe ta tende cu "Aruba a perde race track", tambe ta tende cu "race track ta bay Corsow". Un politico ta bisa di "ta lamenta cu Aruba a perde race track", pero e mes politico ta bisa despues di "ta lamenta Si Aruba perde e race track". Ta tende cu "Corsow a habri man tuma e race track y cu aprobacion nacional". Mi no ta kere nada di esakinan..... Race Track TA BIN Aruba! Pa mi ta un wega ta ser hunga actualmente cu e proyecto aki. E race-track TA BIN Aruba. Ta pulsa ta pulsa opinionnan actualmente pa mañan e race track bini, y pa bisa: "Nos a scapa e proyecto. Nos a haci un esfuerzo grandi. Nos partido a logra race track na bienestar di San Nicolas y Aruba!" Ta esey ta locual mi ta mira der e wega aki. Aruba pa mi no a perde NADA di Race track. Si Aruba a perde, ta ki dia Aruba lo haya un proyecto asina grandi di "hendenan local" atrobe? Ta e manera cu el a wordo presenta "diripiente" di un dia pa otro, sin cu nada concreto tabata cla y no tabata tin informacion concreto pa duna e pueblo, y e politiqueria cu tabata tin rond di dje, a pone cu hopi a bay contra. Mi mes tabata un di nan e tempo ey. Pero despues cu informacionnan mas elabora a cuminsa sali etc. ta hopi a cambia di opinion. Awe mi ta puntra: "Si tabata macambanan a bin cu e proyecto, of alemanan of americanonan, kende lo a kiek? Nan lo tabata liber pa roza henter e isla caba cu nos flora y fauna, y nos lo ta bati man pa nan cu a bin inverti riba nos isla. Pero, den e caso aki, ta Arubianonan!!!"

E LEY DI CHOLLERNAN

Tambe ta tende cu e ley di chollernan a pasa..... Tambe cu lo piki chollernan di riba caya, hinca nan den un instituto, cu huez mester dicidi esaki of esaya etc. etc. E proyecto di Sra. Van Lis Donata, ta un proyecto cu enverdad ta bunita y cu nos tur a elogiar tempo cu el a bin cu e concepto. Pero awe, mirando kico ta kico, mi ta kere cu ni cu "San Chol" dicidi di bendiciona e isla aki, e ley aki no ta yuda cu NADA den eliminacion di chollernan. Tin asina tanto baricada legal cu e ley di chollernan ta dal aden, cu nada no ta bay sali afo. Loke si ta pasa ta cu Aruba lo keda yena mas y mas cu choller. Ora cu ripara mes cu chollernan ta disfruta mas y mas di TUR libertad cu nan tin riba e isla aki, mas hende lo bisa "ami tambe ta bay bira choller". E problema di choller aki, lo no ser resolvi riba e isla aki, ni si den tur cas pone un statua "San Chol" pa por fabor "yuda nos!".

PARA CHOLLERNAN AWE Y NO MAÑAN

Por ripara ultimo simannan aki na Playa cu nos chollernan tin hopi bendicion di "San Chol". Awor ta den misa nan ta drecha, molestia feligresnan femenino "den

misa" pa haya placa. Nan sa cu e damanan aki den misa no tin caminda di bay, y ta sigui persisti pa placa. Parce cu nada ta wordo haci pa elimina e cos aki prome cu e bira peor y mas choller dicidi di drecha misa y cana rond "cu nan schaalitje pa colect" libremente. No por sigui tolera e situacion aki "y den misa". Oracion: "San Chol, San Chol, luza bo seguidornan choller, pa nan siña pa respeta misa".

PLACA PA PENSION TA CABA PRONTO

Pa añanan largo comunidad ta yora y suplica pa bini cambio den e ley di otorgamento di paspoort despues di 5 aña na esnan di exterior cu ta bin traha aki. Mester tene cuenta cu hopi cu a bin aki ultimo añanan "a bini pa logra paspoort hulandes" y no pa traha na bienestar di nos isla, manera e mayoria cu ta ciudadanonan ehemplar. Nos ta mira ultimo añanan cu nan ta yega, haya paspoort, y despues ta bini mami cu papi di 50 aña bay ariba, y esakinan ta ricibi nan residencia, despues paspoort y ta haci e peso di pension di viehez, pension di biuda etc. mas pisa pa comunidad, siendo cu nan nunca a traha pa contribui na esaki. Casi mitar di e cantidad di habitante di nos isla awe ta bin di exterior y di esakinan ta un cantidad grandi den 5 aña ta ricibi nan paspoort tambe. Pero Chichi cu Bubu, Chorombo, Cadois, Shon Do, Shon Petra, Shon Catrien etc. cu a traha mas di 40 aña paga nan obligacionnan na gobierno, tin cu cobra un suma miserable y esnan cu no a contribui cu nada pa e isla aki tambe ta cobra mescos y kizas mas tanto ainda. Kico nos politiconan ta haci? Nan no ta scucha voz di pueblo y ta pone e asunto un banda "pa discuti den futuro" ora nan no tey mas y ta biba na grandi caba, pasobra e "den futuro" nunca ta bin.

E LUGARNAN PA STACIONA AUTO

E dianan aki ta skirbi y papia di lugarnan di staciona auto cu tin na Playa, y un mas yena cu otro, y tambe di esnan cu ta bashi. E publico ta keha di e suma cu ta ser cobra na algun lugar y cu ta ser considera mucho hopi. Tambe ta ser bisa cu ta "lugar priva pa staciona auto" pesey no ta bay eynan. Ta pa motibo cu tin borchu cu ta muestra cu e lugar ta di cierto empresa of banco, pa nan clientenan, e chofernan no ta haci uso di esaki, y nan no sa tampoco cu nan ta liber pa bay nan. Tuma por ehemplo esun di Interbank pabao di ex Tivoli Club. Esey hopi biaha ta bashi. Pakico? Pasobra hopi chofer no sa cu e ta pa TUR HENDE y no ta solamente pa clientenan manera mayoria di chofer ta kere. Ta bon pa operadornan di lugarnan pa staciona auto tin borchu pa muestra cu e ta pa tur hende y no priva pa un compania o empresa sa.

TINTED Y NO-TINTED GLASS BOET OF AVISO

E asina yama ley di TINTED GLASS tambe ta keda batata cayente. Tin un ley cu ta prohibi tinted glass. Masha bunita! Tin un ley. E ley tey y lo cumpli cu e ley". Pero kico nos ta tende awor...? Ta duna oportunidad te 15 di april pa trece cambio... Lo no multa chofernan..., lo duna nan un aviso, un advertencia. Otro ta papia di buscamiento di un compensacion pa doñonan di auto. E ley a bira manera e wea di tumberito Roderick, "ta herbé cu specerijnan di pampoena, tomati, siboyo y promenton prome, pa mira si e lo haya smaak despues."

Juby

Jen-2sa
CHILDREN'S BOUTIQUE
De La Sallestraat no. 43-A - Tel: 880008

Descuento di Locura di Carnaval!

30% riba tur articulo!
di awe te cu 29 di Februari!

50% riba sapato!

Nos ta habri di Dialuna pa Diabierna 9 am - 1 pm y 2.30 pm - 6.30 pm
Diasabra 9 am - 4 pm non-stop

TELEFONNAN
DI DIARIO
826747
FAX
828551

Spoed Cursus
Mainta of Anochi Afl. 75

Windows 98 Beginners
February 14, 15, 16, 17, 18

Windows 98 Beginners
February 21, 22, 23, 24, 25

Windows 98 Advanced
Feb. 28, 29 Maart 01, 02, 03

EXCEL Beginners
February 21, 22, 23, 24, 25

WORD Beginners
February 28, 29 Mar 01, 02, 03

E-Mail Beginners
February 14, 15, 16, 17, 18

EXCEL ADVANCED
February 14, 15, 16, 17, 18

WORD Advanced
Maart 13, 14, 15, 16, 17

Info-Net Tel. 880950